



Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 71. Articulus III. Systemati duarum declarationum favent hi Doctores cum Jansenio.

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

„nus Lengrand, verisimiliter existimavit, Sæc. XVIII.
 „se eadem implicite tradidisse dum sta- A. C. 1722
 „tui innocentiae solam gratiam sufficien-
 „tem a libero arbitrio determinabilem
 „adscript, aliunde non ægre præterit
 „quædam consecraria, sine quibus stat
 „substantia sistematis Janseniani de dua-
 „bus delectationibus necessitantibus, de
 „gratiæ irresistibilitate, de libertate con-
 „iuncta cum necessitate mutabili & de
 „præceptorum implendorum impo-
 „tentia &c. „

§. LXXI.

ARTICULUS III.

*Systematis duarum delectationum fa-
 vent hi Doctores cum Jansenio.*

Id Facultas probabat I. ex his Len-
 grandii verbis disp. 4. Si præmotio
 physica se tenet ex parte intellectus,
 sita est in ejus illuminatione - - si
 ex parte voluntatis, sita est in ejus ex-
 citatione, seu in suavitate quadam &
 vitrici delectatione rerum cælestium
 superante concupiscentiam rerum ter-
 renarum & nullam necessitatem vo-
 luntati imponente.

Hæc autem delectatio vitrix, qua
 fit ut mandata Dei custodiamus, est
 actus vitalis mentis nostræ sed indeli-
 beratus, qui deinceps voluntatis deli-
 berationem & consensum operatur.

II. Con-

Sæc. XVIII. II. Congruitas gratiæ in eo posita
 A. C. 1722. est, quod per se & ab intrinseco apta
 sit superare humanæ voluntatis resistentiam; ideo ergo congrua dicitur gratia, quia Deus inspirat suavitatem & delectationem, quæ cum major sit delectatione carnali, apta est superare concupiscentiam.

III. Hoc oritur ex propria negligentia (justi) vel ex peccatis venialibus, quibus augetur concupiscentia, unde fit, ut gratia illi data, urgente præcepto, non sit idonea ad vincendam tentationem.

IV. Fortior requirebatur gratia pro Corozaitis, quam pro Tyriis, & per eandem gratiam conversi non fuissent, eoque essent magis indurati, & a Deo aversi. Quapropter Deus illos non injuste præ Tyriis increpat, quia Tyrii tantum obstaculum gratiæ non præbuerant, nec tantam habebant concupiscentiam.

V. Gratiæ excitanti sæpe resistitur propter dominantem concupiscentiam.

VI. Præmotio est quid antecedens exercitium libertatis, ergo tollit libertatem, si movet contra exigentiam creaturæ.

VII. Consensus sequitur infallibiliter sensum, quando non est alia impressio opposita fortior, hanc enim impressio

sio superveniens impedit, quominus ^{Sæc XVIII.}
voluntas consensum præbeat priori. ^{A. 1722.}

VIII. Ante peccatum primi hominis homo passionem exortam pro arbitrio potuit sedare, avertendo fluxum spirituum animalium, dein magna tunc erat in illo delectatio justitiæ &c. Post peccatum imperium illud valde diminutum est, sicut & delectatio justitiæ in lucta inter partem superiorem & inferiorem, hoc sequitur anima, quod magis delectat, sub delectatione comprehendendo voluptatem quæ sæpe fortior est, hinc S. Augustinus ait, quod amplius nos delectat, secundum id operemur, necesse est.

His propositionibus conformem esse doctrinam Jansenii demonstrat Facultas & quidem I. ex l. 8. de Grat. Salv. c. 3. his verbis: *Medicinale Christi adjutorium* &c. II. ibid. ex l. 4. c. 6. *Ex his jam perspicue colligitur tantopere esse necessariam istam delectationis Divinæ gratiam* &c. III. ibid. *Cum igitur ad opus Justitiæ* &c. IV. ibid. c. 7. *Hæc igitur volendi inbecillitas* &c. V. ibid. *Ex eadem radice* &c. VI. ibid. c. 11. titulo: *Delectatio ista cælestis secundum Augustini mentem* &c. VII. Et in corpore ejusdem Capitis: *Delectatio ista, quam ad omnia opera bona* &c. VIII. Infra ibid. *Hoc ipsum elucet ex pugna* &c.

Has

Sæc. XVIII.

A. C. 1722.

Has pluresque alias utriusque Professoris propositiones Facultas Duacensis sequenti censura perstringit.

Duo potissimum docent hi Doctores Jansenii vestigiis insistentes, primum est Systema duarum delectationum indeliberatarum, cœlestis & terrene, quarum altera alteram superans necessitat ad agendum vel bonum vel malum.

Alterum est, gratiam, qua bonum operamur, esse delectationem rerum cœlestium, seu sanctum Dei amorem, aut operationem Dei cum illo amore immediatam conjunctam. Primum quod docent, est totius Jansenismi substantia, summarium medulla, in qua quinque hæreses Jansenianæ includuntur, sicut & totius Theologicæ moralis Christianæ subversio. Unde hoc Systema habet se instar terribilis Hydrophæ seu serpentis ab hercule occisi, cujus erant septem capita.

Alterum quod tradunt Professores manifeste adversatur scripturis, Patri Augustino speciatim, Tridentino, & omnium Scholasticorum consensui. Ex his omnium fontibus constat, mortales non ratione piis motibus ex Dei gratia profectis, percellit, ubi necdum delectantur cœlestibus, nec Deum directe amant, sed timore gehennæ concutiuntur, abstinentes interim ab omni peccato, quod esset gehennæ inductivum, & sese disponentes ad sanctum Dei amorem.

vel alium actum, quo convertantur. Hinc Sæc. XVIII. A. C. 1721
 Trid. Sess. VI. c. 6. ait: disponuntur autem ad ipsam justitiam, dum excitati divina gratia, & adjuti fidem ex auditu concipientes, libere moventur in Deum, credentes vera esse, quæ divinitus revelata & promissa sunt, atque illud imprimis, a Deo justificari impium per gratiam ejus, per Redemptionem, quæ est in Christo Jesu, & dum peccatores se esse intelligentes, a Divinæ Justitiæ timore, quo utiliter concutiuntur, ad considerandam Dei Misericordiam se convertendo in spem eriguntur, illumque Deum tanquam omnis Justitiæ fontem diligere incipiunt.

Et Sess. IV. c. 4. illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ & poenarum metu communiter concipitur, si voluntatem peccandi excludat, cum spe veniæ, declarat non solum non facere hominem Hypocritam, & magis peccatorem, verum etiam Dominum Dei esse, & Spiritus sancti impullum, non adhuc quidem inhabitantis, sed tantum moventis, quo poenitens adjutus, viam sibi ad Justitiam parat.

Hist. Eccles. Tom. LXXI. .Y §. LXXII.